

四庫全書

子部

欽定四庫全書

子部

普濟方卷四百二十

詳校官太醫院吏目臣吳藻

編修臣倉聖脈覆勘

總校官進士臣繆琪

校對官中書臣朱炘

謄錄監生臣曹錫爵

欽定四庫全書

普濟方卷四百二十一

明

周王朱橚撰

鍼灸門

心氣

治心氣

亂竇生經

穴心膻

治中風心煩驚悸健忘

穴百會

治健忘

穴

神道

幽門

列缺

膏肓膈

主惡風邪氣泣出善忘

穴百會

天府

曲池

列缺

主健忘 穴刺足少陰

主心忪少力 穴大橫灸五十壯

療無心力 穴百會 巨闕

療心中悶 穴上脘 治失志 穴委陽

療神氣不足失志 穴中衝

主失志 穴內關 主心中憤憤 穴通谷

療心中氣悶不喜聞人語 穴鳩尾

治無心力忘前失後 穴百會

王氏云予舊患心氣凡思慮過多心下怔忡或至自悲感慨必灸百會則以百會有治無心力忘前失後證故也煎服鎮心丹

心痛

凡心實者則心中暴痛虛則心煩惕然亦不能動失智

資生經

穴內關

治卒心痛汗出 穴大敦刺出血即已

治心痛 穴心膻 中膻中 通谷 巨闕 太倉

神府 郄門 曲澤 大陵

治心痛氣短 穴 期門 長強 天突 俠白 中衝
治心痛膨膨然心煩亂悶少氣不足息 穴 尺澤

治心懸少氣不足以息 穴 然谷

治心悶痛上氣牽引小腸 穴 巨關灸二十七壯

治心痛如懸 穴 腎腧 復溜 大陵 雲門

治心懸如飢 穴 間使

治心痛如錐刺甚者手足寒至節不息者死

保命集

穴 支溝 太谿 然谷

治心痛色蒼蒼然如死灰狀終日不得太息 穴行間
治心寒脹滿不得食息噴唾血厥心痛善噦心疝太息

穴 鳩尾

治胃痺心痛不得反側及不得息痛無常處 穴臨泣
治心痛難俛仰及治心寒心疝衝胃死不知人

穴 中脘 治痛搶心 穴腹結 行間

治卒痛煩心中懊懣數欠頻伸心下悸悲 穴通理

治心痛悲恐相引瘕瘕 穴 靈道

治心痛上搶心不欲食及身腫 穴 建里

治心痛而嘔 穴 章門

治心痛肺脹胃氣上逆 穴 太泉

治心寒脹滿不得食 穴 鳩尾

治暴泄心痛腹脹心痛尤甚 穴 大都 太白

保命集

治心痛有三蠱多涎不得反側 穴 上管

治心痛喜噫酸 穴 不容 期門

治心痛而寒 穴 少衝

治心下有寒痛又治痺虛令人病不樂好太息

穴 商丘

治胃脾心痛 穴 天井 臨泣 臍中或百壯

治胃脾心痛心腹諸病心痛 穴 臍中 天井

灸太倉 肝膈

治心腹胃滿痞痛 灸肝膈

治心痛 穴 中腕 治心痛 穴 建里

治心痛周痺

穴 膈腧

治心痛周痺痛無常處

穴 臨泣

治心痺

穴 魚際

王氏云嘗侍親疾累日不食因得心脾疼發則攻心腹後心痛亦應之至不可忍則與兒女別以藥飲之疼反甚若灸則徧身不勝灸矣不免令兒女以火針微刺之不拘心腹須臾痛定即欲起矣神哉

治心痛悲恐相引瘕瘕肘攣暴瘡不能言

穴 靈道

治心痛乾嘔煩滿 穴 俠白

治心痛乾嘔 穴 極泉

治心痛唾血振寒咽乾狂言口僻 穴 太淵

治心痛煩滿舌強 穴 陰郄 中衝

治心痛 穴 厥陰腧 神門

治面赤心煩痛 穴 斷交

治心胃痛 穴 天井

治心痛不可忍及不得卧 穴 下脘

治心如懸下痛

穴 外陵

治心痛不可忍

穴 上脘 太陵

治喘息心痛

穴 章門

治心下痛不欲食及心痛有涎 穴 建里 涌泉

治心凡痛有數種冷痛痼虫心痛蠱毒霍亂不識人及

治心痛蠱毒

穴 巨闕

治心匿不能食反胃霍亂心痛 穴 中脘

治心痛

穴 曲澤 督腧 膈腧

治心痛不嗜食

穴湧泉

治卒心痛

穴少衝

治寒熱心痛背相引痛胃滿悶咳嗽不得息煩心多涎

穴心膻

治心痛不可忍嘔血煩心

穴巨闕

療心痛不可忍吐冷酸水及元藏氣

灸足大指次指內橫文中各一壯炷如小麥立愈

治心懼懷懷微痛煩逆

穴心膻

治心痛如錐刀刺氣結

穴 膈腧灸七壯

治心痛冷氣上

穴 龍頷灸百壯

治心痛惡氣上脇急痛

穴 通谷灸五十壯

治心痛暴絞急絕欲死

穴 神府

灸百壯在鳩尾正心

治心痛暴惡氣

穴 巨闕灸百壯

治心痛堅急氣結

穴 太倉灸百壯

治心痛

穴 灸胃脘橫文三七壯 又灸兩虎口

白肉際七壯

治腎心痛 先取京骨崑崙發針不已取然谷

治胃心痛 取大都 太白

治脾心痛 取然骨 太谿

治肝心痛色蒼蒼然如死灰狀終日不得休息保命集

取行間 太衝

治肝心痛 取魚際 太淵

治心痛不可按煩心 穴 巨闕

主心痛有三蠱多涎不得反側危氏方 穴 上脘

主心痛身寒難以俛仰心疝衝胃死不知人 穴中腕
主心痛如錐針刺 穴然谷 太谿

主心腹中卒痛 穴石門

主心痛 穴陰郤 行間

治卒心痛多驚痞不得語咽中如鯁 穴間使

治心痛善驚 穴曲澤

治心痛衄血嘔噦驚恐畏人神氣不足 穴郤門

治心痛胃脇肢滿欬嗽膺臂內廉痛 穴天泉

治久瘧欬逆心痛如錐刺手足寒至節喘息者死

穴 太谿

心痛內九種乃心脾痛非真心痛如真心痛則朝發夕死夕發朝死如難經疏所載是已然此疾有所自產論嘗謂產後心痛若誤以為有所傷療之則虛極而心絡寒甚傳心之經則變為真心痛此一說也巫臣以夏姬之故怨子反曰余必使汝疲於奔命以死子反於是一歲七奔命遂遇心疾而卒則又因用心而成

疾矣然則如之何平居當養其心使之和平疾自不作其次當服鎮心丹之類補養可也若疾將作而針灸亦可以為次也

治心腹冷痛

王氏玉抱肚法針砂四兩炒俟烟出入礬半兩礬砂粉霜各半錢新水拌勻微濕以皮紙貼安懷中候熱發寘臍中氣海石門關元血大補本元或寘其他冷處汗出立瘥予自用驗此藥燥則不熱再以新水拌

再熱可用十餘次如藥力盡却曝乾再入礬等依舊
熱舍弟叔浩傳一方只用針砂泥礬功效亦同豈以
礬砂粉霜價不廉而不用耶

王氏云予舊患心脾發則痛不可忍急用瓦片真炭
火中燒令通紅取出投米醋中漉出以紙三二重裹
之寘疼處稍止冷即再易者舊所傳也後閱千金方
有云凡心腹冷痛熬鹽一半斤熨或熬蠶炒燒石磚
蒸熨取其裏溫煖止或蒸土亦能治始知予家所用

蓋出千金方也它日心痛甚急灸中脘數壯覺小腹
兩邊有冷氣自下而上至灸處即散此灸之功也本
事方載王思和論心忪非心忪也胃之大絡名曰大
里絡胃膈兩乳虛而有痰則動更須臾發一陣是其
證也審若是又是灸建里矣但不若中脘為要穴云
治心疼及治小兒心疼

足大拇指中節上灸三壯即止男左女右其有蛔
虫鑽心疼甚醫者不明其症但服此藥大相遠也

如是虫痛作時面必青黑仰身撲手悶亂欲絕止而口吐清水者是也

治心痛 足心亂文中以麥粒大艾炷灸三壯男左

女右每遇痛盛時灸

治真心痛論手足青至節心痛甚者旦發夕死夕發旦死療心痛及已死

保命集

右高其枕柱其膝欲令腹皮蹙揉灸其臍上三寸胃脘有頃其人患痛短氣欲令人舉手者小舉手

問痛差緩則已

治虵心痛

以手按其堅持之勿令得移以大針刺

之後久持之虫不動乃出針心下不事刺中有成聚不可取於輸腸中有虫虵咬皆不取以小針

治心痛引腰脊欲嘔及不息

保命集

刺足少陰不已取手少陰

治心痛腹脹齶齶然大便不利

保命集

刺足太陰

治心痛引小腹滿上下無常處便溺難

保命集

刺足厥陰

治心痛但氣不足以息

集 保命

刺手太陰

治瀉熱厥心痛

集 保命

穴

太谿灸三壯或五七壯

治瀉熱厥痛

集 保命

穴

崑崙灸三壯或五十七壯

治心痛與背相引善恐如從後觸其心偃僂者腎心痛

也

集 保命

先刺京骨崑崙不已刺合骨

治心痛卧若徒居間動作痛益甚者其色不變此肺心

痛也

集 保命

刺魚際太淵宣通靈氣行無所礙滯則病

愈

治卒心痛不可忍

刺任脉上腕針入八分先補後瀉之其穴下針令
患人覺針下氣行如滾鷄子入腹為度次針氣海
二穴足少陰湧泉二穴無積者刺之如食頃而已
有積者先飲利藥後刺之立愈如不已刺間使二
穴針支溝二穴次針三里二穴如灸冷心痛燔針
斜任脉巨闕穴如五臟氣相干心痛者刺之無不
愈有小腸氣瘕癖膀胱氣脇痛等疾皆痛至心宜

審諦不可執一而刺之如汗出刺大敦出血立已
治腹有逆氣上攻心腹滿脹上搶心痛不得息氣衝腰
痛不得俛仰

穴 氣衝各灸七壯如大麥禁針次針三里二穴
而愈

治心痛週痺 穴 膈腧 臨泣

治心痛短氣手掌煩熱或啼哭罵詈悲思愁慮面赤身
熱其脉實大而數 春當刺中衝夏刺勞宮季夏刺

大陵皆補之秋刺間使冬刺曲澤皆瀉之又當灸
巨闕五十壯背第五腧百壯

治心疝暴痛

取足太陰

治卒心痛

肘後方

手中央長指端灸三壯又橫度病

人口折之以度心厭下度頭灸三下

治心疝激痛難忍

肘後方

巨闕及左右一寸並灸百壯

又以繩度頸及度脊如之令正相對凡灸六處

治卒心腹滿

肘後方

乳下一寸灸七壯又兩手大母指

肉邊爪後第一紋頭各灸一壯又兩指中央長指爪下各灸一壯愈

治心脾疼痛不可忍

足大拇指甲頭當中肉甲之

間男左女右灸五壯艾炷如麥粒大經驗方雲景齊芳自創一日婢病此同官郭魯望傳是法立愈

治心腹痛嘔逆

中脘灸三百壯

治心腹絞刺痛不可忍

陰都二穴灸三百壯

心恍惚

治悲愁恍惚

穴 心膻 天井 神道

治狂驚恍惚

灸足陽明

治狂癲恍惚

灸腦戶

治狂言恍惚

灸天樞

治卒中邪魅恍惚左斗關後尺中陰實者腎實也恍惚

健忘目視眈眈耳聾悵悵善鳴 刺足少陰至陰

治恍惚不知人 穴 巨闕

療少力忘前失後心神恍惚 穴 百會

療心恍惚 穴陰都

心驚恐

治心痛善驚

資生經

穴曲澤 治悲恐 穴靈道

治暴驚

穴下廉

治心痺悲恐 穴魚際

治悲恐善驚

穴少衝 治心風驚悸 穴上脘

治悲恐畏人

穴少府

治驚悸少氣

穴神門 蠡溝 巨闕

治大驚亂痛

穴梁丘

治多驚

穴

陰郄

間使

二間

厲兌

療驚悸

穴

間使

治驚恐

穴 五里

治善驚恐

穴

京骨

大鍾

大陵

治驚悸

穴

百會

神道

天井

液門

治善恐

穴

通谷

章門

治癩疾風牙腫善驚恐

穴

天衝

天衝

天衝

治風虛驚恐狂蕩又療驚恐悲愁

穴

支正

支正

支正

治驚恐畏人

穴

郄門

治驚悸不得安寢

穴 神庭

治腦頭風痛目瞑心悸

穴 腦空

主吐舌戾頸善驚

穴 三間 合谷 厲兌

主心下澹澹善驚

穴 曲澤 大陵

主心下悸又療悲恐畏人

穴 通理

主心下惕恐人將捕之

穴 然谷 陽陵泉

主驚恐畏人神氣不足

穴 大鍾 郄門

主善驚

穴 大巨 主多卧好驚 穴 厲兌

主驚不得卧

穴 氣海 陰交 大巨

主善驚妄言面赤

穴 液門

主數噫恐悸氣不足

穴 少府

主數噫恐悸氣不足

穴 神門

主驚悸少氣

穴 巨闕

主卧驚視如見鬼

穴 陰蹻

主瘕瘕而驚

穴 解谿

主太息煩滿少氣悲驚

穴 少衝

治心痛數驚心悲不樂 穴 行間

主氣驚心痛 穴 手少陰

療悲恐畏人善驚 穴 少衝

療驚不安寢 穴 神庭 療善驚 穴 曲澤

療大驚 穴 梁丘 療多悲恐驚悸 穴 風府

療心驚悸神氣耗散 穴 鳩尾

治驚怖恐心忪少力 穴 大橫灸五十壯

治驚悸 穴 上腕 治驚悸 穴 天井

治善驚

穴

厲兌

治悸坐不安

穴

或中

心喜笑

主笑若狂

經資生

穴

神門

陽谷

主喜笑不止

穴

勞宮

太陵

主喜笑

穴

列缺

治喜笑不休

穴

太陵

治狂言喜笑見鬼

穴

陽谿

治失笑無時節

穴

水溝

治喜怒

穴

復溜

療心悲怒

穴魚際

療多怒

穴肝膈

主怒欲殺人

穴身柱

心憂悲

主心悲

資生經

穴漏谷

治心悲

穴商丘

治悲恐

穴靈道

治恍惚悲愁

穴神道

主悲愁恍惚悲傷不樂

穴天井
心膈
神道

主大風默默不知所痛悲傷不樂又療驚悸悲傷

穴天井

治大風逆氣多寒善悲 穴 大橫

治善悲不樂 穴 照海

治太息善悲小腹熱欲走多唾言語不正四肢不收

穴 日月 治悲恐善驚 穴 少衝

療驚恐悲愁 穴 支正

治煩滿少氣悲恐畏人掌熱腹腋攣急胃脘痛手倦不伸

穴 少府 治悲笑 穴 勞宮

治善悲泣 穴 心膻 神門 解谿 大陵

主善悲

穴間使

主悽悲

穴通理

主心悲

穴行間

勞宮

主泣出

穴百會

治憂心

灸絕骨

治乍哭

穴水溝

王氏云母久病忽泣涕不可禁知是心病也灸百會而愈予凡遇憂愁悽愴亦必灸此有此疾者不可不之信也

治泣出而驚

穴後谿

心煩悶

治瘧心煩甚欲得飲冷惡寒則欲處溫中咽乾不嗜食
心痛數噫恐悸少氣不足手臂寒喘逆身熱狂悲哭嘔

血遺溺

資生經

穴神門

治澹熱嘔逆上氣

穴中府

治澹虛

穴三陽絡灸各十三壯

歎息

主太息煩滿少氣悲驚

資生經

穴少衝

主不得太息 穴 行間

凡好太息不嗜食多寒熱汗出病至則喜嘔嘔已乃衰

穴 取公孫 井腧

實則腸中切痛厥頭面腫起煩心狂多飲不嗜卧虛則鼓脹腹中氣滿熱痛不嗜食霍亂公孫主之

治太息善悲 穴 日月 商丘

治太息 穴 行間

療腦脇痛善太息腦滿膨膨 穴 丘墟

嗜卧

治多喘

資生經

穴 顙會 百會

治嗜卧

穴 陰蹻 膈腧

治好獨卧

穴 腎腧

治多卧喜睡

穴 二間 三間

治多睡善驚

穴 厲兌

治四肢煩熱嗜卧怠惰四肢不欲動

穴 三陽絡

治嗜卧身欲動

穴 三陽絡

治嗜卧

穴

五里

太谿

大鍾

照海

二間

治傷寒喘卧

穴 膈腧

治喜寐

穴

厲兌

大敦

治嗜卧

穴

天井

王氏云千金謂食多身瘦名曰食晦先取脾腧後取
季脇又曰凡身重不得食無味卧皆針胃腕太倉服
建中湯平胃丸令人嗜卧與夫食罷則脾困欲卧縱
不言針豈可不灸乎予與人灸中脘膏肓遂皆不困

故言及之

不卧

治驚悸不得安寢

資生經

穴神庭

治不得卧

穴氣衝章門

治大喘不得卧

穴期門

治咳嗽煩怒不得卧

穴太淵

治腰脊冷痛不得卧

穴白環腧

治不得卧

穴隱白
天府
陰陵泉

治風癰驚悸不得安寢 穴 神庭

治不可卧 穴 太淵 肺腧 上腕 條口 隱白

治卧伸縮回轉不得 穴 諶譔 環跳

治卧不安 穴 大椎

治驚不得卧 穴 氣海 陰交 大巨

治不得卧 穴 公孫

治不得卧 穴 攢竹

王氏云人不得卧亦有因心氣使然宜服俞山人鎮

心丹此藥以酸棗仁微炒過則令人得睡故也

指迷云若頭痛筋攣驚不嗜卧謂之腎厥頭痛宜灸關元百壯服玉真丸

夢魘

治魘夢及治喜魘夢

資生經

穴 商丘

治夜夢顛倒面青黃無顏色 穴 天牖

善魘寐關後尺中陰絕者無腎脉也若是逆冷上搶胃痛夢入水見鬼喜魘寐黑色來掩人

上刺足太陽

凡魘死不得着燈火照亦不得近前急喚多殺人但痛咬其足跟及又灸足大指中邊并多唾其面即愈

又灸足大指聚毛中三七壯即効

千金翼云凡魘不覺灸兩足大指聚毛中

三寸

王氏云有婦人夜多魘盖因少年侍親疾用心所致也後服定志丸遂不常魘灸固不可廢藥亦不可不服也

治卒魔方

以甌帶縛其肘後男左女右用力絞之

又縛其脚乃急問其故約勅解之令一人坐頭旁

一人於戶內呼病人姓名坐人應曰諾在便蘇

腹滿

治腹滿便難

育生經

穴大鍾

治腹滿及治小兒不食

穴陷谷 懸鍾

治腹中滿痿厥少氣

穴陰市

治腹脹積聚

穴大陰郄

治寒氣腹滿腹中積聚痛 穴 衝門

治腹滿喜嘔 穴 隱白

治腹滿 穴 三里 行間 曲泉

治腹中滿響響然不便心下有寒痛 穴 商丘

治腹鳴強欠心悲氣逆腹腫滿急 穴 漏谷

治傷食腹滿 穴 期門

治結積留飲癖 穴 通谷

治心堅滿 穴 石關

治心滿氣逆腸鳴

穴陰都

治心腹鳴

穴聽宮

治心腹氣滿

穴衝門

治腹滿喜嘔煩熱悶亂吐逆目眩及治熱病汗不出手

足逆冷

穴大都

治心腹脹滿

穴厲兌漏谷

治腹暴滿

穴崑崙

治腹大滿

穴太白

治腹滿 穴 三里 譙謐

治心下脹滿傷飽食不化霍亂出洩不自知心痛

穴 中脘

治心腹諸病心痛 灸太倉

治心腹痞痛 灸肝腧 治心脹滿 穴 膽腧

治腹滿 穴 府舍 治大腹有水 穴 四滿

治胃腹滿 穴 神空 治腹滿 穴 魚際

治腹滿疝疾 穴 石門

治腹腫不能食 穴 分水

治腹滿虛脹 穴 意舍

王氏云人有心腹滿脹者予每多以厚朴與之令每服細剉七八錢重幼小量減用生薑七片水一小碗煎至七分滓再煎服不過五六服脹滿脫去鍼灸之效未必如此速也因識於此

治腹滿 灸絕骨

治小腹積聚堅如石小腹滿 穴 中極

治小腹滿

穴 肝膈

治腹大滿喜譫

穴 陷谷

治羸瘦恐懼氣不足腹中悵悵

穴 大衝

治腹滿痛不得息

穴 氣衝

治腹滿

穴 懸鍾

胃滿

治胃滿氣短不得汗

經 資生

皆鍼補手大陰以出汗

治胃腹滿

穴 神堂

治胃滿腸鳴

穴 三間

治胃中滿 穴 曲池 人迎 神道 章門

中府 臨泣 天池 璇璣 膺府

治胸滿不得息 穴 天容 陽谿

治胸滿腫 穴 陽交 治胸滿咳逆 穴 鳩尾

治胸滿吸呼胸膺痛 穴 太泉

治胸中淡淡 穴 巨闕 間使

治胸下積氣 穴 梁門

治胸中熱息噴脇下氣上 穴 期門 缺盆

治胸暴逆

穴 雲門

治胸中寒脉發時不可止寸口小腹脹上搶心欬唾有

血 穴 然谷

治胸中鬱鬱

穴 大杼 心膻

治胸脇滿

穴 期門

療胸滿腹鳴

穴 三間

療胸中氣滿如塞胸脾心痛

穴 臍中

療胸下滿悶

穴 乳根

治胸滿 穴 陽交 臨泣 治胸滿 穴 膺府

療胸滿膨膨 穴 委陽

治胸滿痛胸脇肢滿 穴 璇璣

治胸中氣滿喘欬肢腫 穴 商陽

治胸中噎悶 穴 膈門

治胸滿不得息欬逆 穴 陽谿 神封

治胸中氣滿僂僂如龜腰強頭目眩令人失顏色

穴 肺腧

治胸中暴滿不得卧喘息 穴 輒筋

治胸滿肢腫 穴 膈腧

治胸脇肢滿 穴 胃腧

治胸滿腹滿 穴 漏谷 神堂

治胸脇肢滿噎塞食不下嘔吐食還出 穴 中庭

治胸煩滿氣上衝心喉痺咳嗽喘不得息胸脇短氣肩

痛不得舉臂 穴 雲門

治胸中有氣 穴 天池

治胸中煩滿

穴 曲池

治胸脇滿引胸背痛不得轉側

穴 胸鄉

治胸脇滿不得俛仰食不下欬唾稠膿

穴 周榮

治胸脇肢滿欬逆喘不能食

穴 臑中

治胸脇肢滿欬逆喘不得息嘔吐胸滿不嗜食

穴 神藏

治胸脇肢滿喘逆上氣胸背急不得息不知食味

穴 氣戶

治胸脇肢滿膈間雷鳴常有水聲 穴 食竇

治胸脇肢滿痛引胸不息欬逆嘔吐胸滿不嗜食

穴 靈虛

治胸脇肢滿鼻塞不通呼吸少氣喘息不得舉臂

穴 步郎

治胸脇肢滿 穴 章門

治胸脇脹滿 穴 外丘

治胸脇肢滿欬逆上氣多睡濁沫濃血 穴 庫房

治胸脇肢滿寒熱汗不出

穴俠谿

療胃脇徹背痛

穴雲門

療胃脇滿痛引胸

穴華蓋

治胸肢滿

穴

紫宮

中庭

涌泉

通谷

章門

曲泉

膈腧

期門

食竇

陷谷

石門

治胸脇肢拄滿

穴

胃腧

三里

紫宮

華蓋

中庭

神藏

靈虛

俠谿

步郎

商陽

上廉

氣戶

周榮

上臑

營宮

涌泉

陽陵泉

治脇痛不得卧胸滿嘔無所出

穴 膽膺 章門

治欬而胸滿陽氣逆上滿胸

穴 天容 前谷

治胸滿

穴 肺膺 巨闕

治胸脇肢滿

穴 大泉 治胸中煩悶 穴 天膠

療兩脇滿

穴 肝膺 療胸滿 穴 浮白

療胸腹兩脇滿

穴 庫房

治寒熱胸膈煩滿頭重四肢不舉腋腫上氣胸中有

聲喉鳴

穴 天池

治胸滿短氣胸脇癰腫

穴 膺窗

療胸背痛

穴 魂門

治胸下積氣

穴 梁門

治胸脇肢滿頭目癰腫

穴 陷谷刺出血立已

治胸滿心腹積聚痞痛

穴 肝膈灸百壯

腹脹

治腹脹

資生經

穴 膈腧

治腹中氣脹引脊痛食飲多而身羸瘦

穴 大腸腧 脾腧

治寒中腹脹 穴 中極

治心下堅積聚冷脹 穴 上脘

治腹脹逆息又主腹中寒冷氣脹喘 穴 隱白

治腹脹喘振慄 穴 尺澤

治腹脹氣衝胸 穴 天樞

治腹脹不通大便堅憂思損傷氣積聚腹中甚痛作膿

腫往來上下

穴 中脘

治腹中脹腫

穴 太谿

治寒熱腹脹

穴 京門

治腹脹滿不得息

穴 三里 章門 京門 厲兌

內庭 陰谷 絡却 崑崙 商丘 陰陵泉

治腹中大熱不安腹有太氣暴腹脹臍下堅滿瘕淫瀝

穴 氣衝

治腹大堅不得息脹痺滿小腹尤大

穴 期門

治腹脹心腹滿 穴 巨闕 上腕

治心下脹滿而痛上氣 穴 五里

治腹脹食不化鼓脹腹中氣大滿 穴 公孫 太白

治腹中脹不嗜食脇下滿腹中盛水脹逆不得卧

穴 陰陵泉

治大腸有熱腸鳴腹脹脹俠臍痛食不化喘不能久立

穴 灸巨虛 上廉

治胸喘息脹 穴 大鍾

治脇下脹

穴 關元 期門 少商

治腹脹堅硬水腫肢滿

穴 石門

治腹脹

穴 解谿 血海 商丘

治心腹脹滿嘔則食無所出口苦舌乾咽痛食不下

穴 膽膺

治腹脹

穴 膈膺 譙譙 中膺膺

治腹脹引胸背痛食飲倍多身漸羸瘦黃疸善欠脇滿

洩痢體重四肢不收瘰癧腹痛不嗜食

穴 脾膺

治胃寒腹脹不嗜食羸瘦腸鳴腹痛脇肢滿脊痛筋攣
穴 胃脘

治腸鳴腹脹水谷不化腹痛欲洩注目眩頭痛吐逆飲
食不下 穴 三焦脘

治腹膨脹 穴 腎脘

治心腹脹滿 穴 三里 懸鍾

治腹脹痛臍切痛大小便不利洞洩食不化脊強不得
仰俛 穴 大腸脘

治腹脹下痢

穴中髎

治腹脹滿大便洩痢小便赤身熱目黃

穴陽綱

治身熱煩滿腹脹食不化嘔吐洩濃血

穴太白

治腹滿虛脹大便滑洩背痛惡風寒食不下嘔吐消渴

目黃 穴意舍

治腹虛脹水腫食飲不下惡寒背脊不得俛仰

穴胃倉

治腹脹食不下

穴中府

治脹滿氣如水腫狀小腹堅如石

穴膀胱

暮灸百壯

治腹脹滿不得息小便黃男如蠱女如妊娠 穴陰谷

治腹鳴腹脹上喘氣逆食飲不下肩息唾血 穴承滿

治腹脹滿 穴大敦

治脾病身腫四肢不舉腹脹腸鳴澹洩食不化

穴三陰交

治腹脹鳴滿不得卧嘔吐食不下暴洩 穴隱白

治腹中有寒熱起氣喘衄血不止腹中脹逆脛寒熱不得卧氣中熱暴洩膈中嘔吐不欲食 穴隱白

治腹脹

穴

上脘

治腹脹脇腹滿

穴

膈腧

灸百

壯三報

治肺風氣痿絕四肢滿脹喘逆胃滿

灸肺腧各二壯

治脹滿水腫

穴

脾腧

灸隨年壯三報

治腹中氣脹引脊痛飲食多身羸瘦名曰食晦

先取脾腧後取季筋

治臟腑積聚脹滿瘦不能飲食吐逆寒熱往來小便不

利少氣

穴

三焦腧灸隨年壯

治脹滿雷鳴酒沸

穴

大腸腧

灸百壯三報

治腹滿氣寒冷

穴

胃脘

灸百壯
三報

治腹脹滿遶臍結痛堅不能食

危氏方

穴中守

灸百壯

治脹滿瘕聚滯下疼

危氏方

穴氣海

灸百壯
忌針

治脹滿腎冷瘕聚洩

穴

天樞

灸百壯

治腹脹暴按之不下

刺任脉中脘氣海二穴次鍼足陽明經三里二穴

治小腹脹滿痛引陰中

穴水道

治腹中膨脹不消

灸太陽脬四十九壯

治脾胃虛弱心腹脹滿不思飲食腸鳴腹痛食不化

刺三里 三陰交

凡刺腹痛諸腧穴須鍼三里穴下氣良

治腹脹腸鳴氣上衝胸不能久立腹中痛濯濯冬日重感於寒則泄當臍而痛腸胃間遊氣切痛食不化不嗜

食心腫

一作重

俠臍急

穴 天樞

治寒中傷飽食飲不化五臟膜脹心腹胃脇反滿脉虛

則生百病 穴 上脘

治心腹諸病堅滿煩痛憂思結氣寒冷霍亂心痛吐不
食不消腸鳴洩痢 穴 太倉 血腕 灸百壯

治寒氣入腹 穴 關元

治五臟遊氣 穴 陰交

治腹中熱喜渴涎出是蛔也刺中脘久持之以手聚而
按之

治腹滿痛不得息 穴 氣衝

治肺脹氣搶脇下熱痛 穴 陰都

灸隨
年壯

治肺脹脇滿嘔吐上氣等病

灸大椎并兩乳上第三脇間各止九壯

心腹堅大

治腹胃不調復痛不能食小便赤腹堅硬癰塊脉厥厥

動

資生經

穴下腕

治腹堅大不嗜食振寒 穴衝陽

治腹堅硬 穴期門

治心下堅脹 穴次膠

治腹堅硬

穴 石門

治心下大堅

穴

育門

治腹堅如鼓

穴 水分

治腹堅硬

穴 陰陵泉

地機 下脘

治腹堅急

穴 志室

治心下堅積聚冷熱腹脹

穴 上脘

治太疝腹堅

穴 丘墟

治堅結積聚

穴 膀胱腧

治腹大脹

穴 期門

治腹大不嗜食

穴 衝陽

治腹大下腫又主厥氣上柱腹大 穴 解谿

治腹堅大 穴 天樞

治腹滿堅塊不能食胃氣不足反胃胸脇腹積氣

穴 三里

治腹痛胃脹堅硬 穴 分水

治心堅滿積如盤 穴 石關

治小腹痛 穴 委中

治小腹積聚堅大如盤胃腹食飲不消 穴

胃脘
三焦
臍

小腹脹滿

治小腹脹滿煩渴癢症偏枯四肢不舉

資生經

灸大巨

治小腹脹滿小便淋澀不通癢症小腹痛

穴京骨

治小腹脹

穴然谷

治小腹脹滿嘔沫吐涎喜喘

穴幽門

治小腹腫

穴京門 蠡溝 中封

治小腹堅急

穴胞育

治小腹滿引陰中痛腰背強急膀胱有寒三焦結熱小

便不利 穴 水道

治小腹痛中熱喜寐小便不利小腹脹滿虛乏

穴 大敦 灸小腸腧隨年壯

治五臟虛勞小腹眩急脹熱

灸腎腧五十壯老小損之若虛冷可百壯

治小腹堅腫 穴 委中

銅人云小腸腧治小便赤澀淋小腹痛千金亦云治

小腹脹滿此治小腹脹痛要穴也若其不効方灸其

他穴云

治小腹熱欲走太息

穴 日月 大橫

鼓脹

治腹堅如鼓小腹腫鳴胃虛脹不嗜食繞臍痛衝不息

資生經

穴 水分

治腹虛脹如鼓

穴 公孫 神闕

治鼓脹并水腫

穴 中封 灸二百壯

治腹中雷鳴腹脹如鼓四肢腫十分病 穴 復溜

治身黃羸瘦四肢怠惰腹脹如鼓兩脇積氣如卵石

穴 章門

治鼓脹

穴 中封 四滿

治腹鼓脹腹中氣大滿

穴 太白 公孫

治水脹小腹痛敦敦然

穴 陰交 石門

治鼓脹腸鳴

穴 分水

水腫

黃帝治水之諭五十七處尻上行行五謂腎腧五十七
穴積陰之所聚也水所從出入也尻上五行行五者此

腎腧故水病下為浮腫大腹上為喘呼不得卧者標本
不病故肺為喘呼腎為逆不得卧分為相輸俱受者水
氣之所留也伏菟上二行行五者此腎之衝也三陰之
所交結於脚也踝上各一行行六者此腎脉之下行也
名曰太衝凡五十七穴者腎臟之陰絡水之所容也

治水通衝

經資生

足第二指上一寸灸隨年壯 又兩

手大指縱頭七壯

治虛勞浮腫并水氣滿身效

穴 太衝

灸百壯

又灸腎腧

治頭目癰腫

穴 陷谷 列缺

治頭面腫

穴 陽陵泉 公孫

治頭氣浮腫

穴 完骨 巨窳

治頭目癰腫留飲胸脇肢滿及水腫

穴 陷谷

刺出血立已

治面浮腫

穴 天樞 豐隆 厲兌 陷谷 衝陽

治面浮腫

穴 中府 間使 合谷

治風面水浮腫顏黑

穴 解谿

治肩腫不得顧

穴 氣舍

治水腹脹皮腫

穴三里

治腹腫

穴曲泉

治寒熱腹偏腫

穴陰谷

治大腹腫脹臍腹悒悒

穴大敦

治水腹水氣行皮中小腹皮敦敦然小便黃氣滿

穴陰交 石門

治身腫皮痛不可近水

穴屋翳

治身脹逆息不得卧風汗身腫喘息多喘

穴天府

治身腫重

穴關門

治水氣偏身腫

穴水溝

若是水氣唯得針此若針餘穴水盡即死

治水腫

穴胃倉

治水氣

穴缺盆

治身體腫皮膚痛不可拉衣淫瀼瘕瘕不仁 穴屋翳

治身腫

穴腎腧

治腹脹身腫

穴三里

治身腫鼓脹腸鳴如流水聲

穴神闕

治水腫

穴中極石門

治大腹有水

穴四滿

治腹腫脊強四肢傷墮

穴章門

治男子如蠱女子如妊娠五指端盡痛足不得踐地

穴 涌泉 陰谷

治水腫 穴 三里 治水分病 穴 復溜

治水腫不嗜食 穴 維道

治丈夫溇洩腹脇脹水腫腹堅不嗜食小便不利

穴 地機

治腹中寒不嗜食膈下滿水腫腹堅喘逆不得卧臍腰

難俛仰 穴 陰陵泉

治面目浮腫及水病善噫腸鳴腹痛 穴陷谷

治腹腫不能食及療水病腹腫繞臍痛衝胸不得息并水氣浮腫鼓脹腸鳴如雷聲時上衝心及胃虛脹

穴分水

灸七壯若是水病灸大良三回方云可灸三陰交穴及風門穴明堂經云灸二壯主小便不利身腫足痿

治水病脹滿 穴曲骨

治水腫腹脹食飲不下惡寒 穴胃倉

治水腫人中盡滿唇反死 穴水溝

治身潤石水身腫 穴章門

治小腹滿石水

穴關元

治大腹石水

穴四滿然谷

治大氣石水

穴氣衝

治四肢腫濕

穴豐隆

治汗出四肢腫

穴列缺

治四肢腫

穴復溜

王氏曰水腫惟得針水溝若針餘穴水盡即死此明
堂銅人所戒也庸醫多為人針水分殺人多矣若其

他穴亦有針得瘥者特幸焉耳不可為法也或用藥則禹餘糧元為第一予屢見人服驗故書于此然灸水病則取為要穴也有里醫為李生治水腫以藥飲之久不效以受其延待之動一日忽然灸水分與氣海穴翌早觀面如削矣信乎水分之能治水腫也明堂固云若是水腫灸大良蓋以此穴能分水不使妄行斯可耳但不知明堂又云針四分者豈治其他病當針四分耶

治百病水腫

穴 腎腧灸百壯 胃倉灸隨年壯

治水腫

穴 陷谷灸隨年壯

治水腫上下

穴 陰交灸百壯

治水腫脹

穴 曲骨灸百壯

治風逆四肢腫

穴 豐陵復溜

治大腹

穴 陰市灸隨年壯

治人中滿唇腫及水腫大水

穴 臍中

石門

各灸百壯

分水 上廉

各灸隨年壯

治水腫不得卧

穴

陰陵泉灸百壯

治石水

穴

灸然谷

氣衝

四滿

章門

治水腫腹滿不能食堅硬

穴

水分

灸七壯至
四百壯止

此穴忌針針水盡即死

治水腫大臍平

穴

灸臍中

腹無紋理
者不治

治水腹大及水脹水氣行皮中

穴 石門

治石水腫痛引脇下脹頭眩痛身盡熱

穴 關元

治石水

穴

刺氣衝

治石水

穴

章門

然谷

治水病

穴

天泉

治風水膝腫

穴 巨虛

上廉

治面浮腫

穴

上星

先取諛譖後取天牖風池

治風水面浮腫

穴

衝陽

治脹滿水衝

灸脾腧隨年壯三報

治卒腫滿身面皆洪大

灸足內踝下白肉際三壯

治氣蕪水身面腫

灸丹田三壯女子禁灸

治水腫如鼓

用大蒜切作錢安臍心次用甘遂為末

同作艾炷灸蒜上熱即易之每日頻灸其水自下忌

一切毒物并鹽一年

治五水灸法 青水灸肝井 赤水灸心榮 黃水灸

脾腧 白水灸肺經 黑水灸腎合

脾疼

治脾水虛令人不樂 穴 商丘

治脾病身重 穴 陰交

王氏云灸患脾疼服治脾藥反膨脹不得已依耆城
方用麵裹火炮蓬莪茂末水與酒醋煎服立愈已而

告人亦曰高良姜末米飲調服亦作效後鄭教授傳
一方云草菓延胡索苓脂并沒藥酒調三兩錢一似
手拈却草菓子五苓脂四味等分為末此亦平穩藥
也有此疾者宜服之或不吐不瀉心中疼甚日輕夜
重者用乾鹽梅并茶服神效若灸者宜上管中腕下
腕脾腧三陰交等穴

治疝癖脾中急痛循脇上下搶心腹滿聚積厥氣兩乳
穴 府舍

胃疼

治胃氣逆

穴 魚際

治胃脹不調胃虛不嗜食

穴 分水

治胃脘暴痛

穴 膈腧

治腹胃不調腹痛

穴 下脘

治胃寒脹

穴 腎腧

治胃中寒

穴 胃腧

治胃虛脹

穴 分水

治胃中寒心腹脹滿胃氣不足惡聞食臭腸鳴腹痛食

不化

穴 三里

治胃熱不嗜食

穴 下廉 懸鍾

治胃中弱食不下

穴 心膈

治胃氣上逆喘血

穴 太淵

治胃補胃

穴 胃脘灸百壯

治胃寒不能食食多身瘦腸鳴腹滿胃脹胃熱

穴 三里灸三十壯

反胃

治食飲不化入腹還出

穴先取下管後取三里

之瀉

治食飲不化入腹還出

穴章門

治膈寒食不下嘔吐還出嘔逆吐食不得出

穴中庭

中府

治吐食

穴

胃脘

治胸脇肢滿心下滿食不得嘔逆吐食還出穴中庭

治胃氣不足反胃

穴三里

治吐食不留住

穴意舍

治吐逆食不住

穴胃脘灸百壯

治嘔逆不得下食今日食明日吐 穴膈腧灸百壯

王氏云有人久患反胃予與鎮靈丹服之更令服七
氣湯遂能立食若加以炷艾尤為佳也老婦人患反
胃飲食至晚即吐出見其氣繞臍而轉予為點水分
氣海并俠臍邊兩穴他歸只艾水分氣海即愈神效
治反胃食即噎氣 灸兩乳下各一寸

以瘥為期

又臍上

一寸一十壯又內踝下二指稍斜向前穴三壯

云一

一中脘一穴在臍上四寸足三里穴在膝下三寸

各灸七壯或九壯其效尤甚

食不下

治飲食不下腹中雷鳴 穴 魂門

治吐逆飲食不下 穴 三焦腧

治飲食不下 穴 胃倉 意舍 膈關

治嘔吐筋攣食不下 穴 胃腧

治食不下喜飲 穴 大腸腧 周榮

治膈氣食不下 穴 中庭 中府

治飲食不下 穴 腸膈 期門 少商 勞宮

治胃弱食飲不下 穴 心膈

治膈寒食不下腹脇滿胃弱食少嗜卧怠惰不欲動身
溫不能食又云主吐食 穴 膈膈

治食不下腹中雷鳴大小便下黃水 穴 陽綱

治飲食不下 穴 紫宮 中庭 膽膈

治穀不化 穴 三里 大腸膈 三陰交 下脘

三焦膈 懸樞 梁門

治食不化

穴

天樞

志室

腎腧

治寒中食不化

穴

腹哀

治水穀不消腹脹腰痛吐逆

穴

三焦腧

治食不化

穴

腹哀

太白

治不欲食入不化

穴

石門

治食不化不嗜食俠臍痛

穴

天樞

厲兌

內庭

治食不化

穴

章門

治寒中傷飽食飲不化

穴

上腕

中腕

治胸脇滿食不下 穴中庭

治小腹積聚堅大如盤胃脹食不消 穴胃脘

三焦
腧

治食不下 穴志室 治食不化 穴太白 公孫

治食不下 穴中府 胃倉 承滿 魚際 周榮

治食不化 穴中脘 三陰交

不能食

治腦痛不能食

資生
經

穴然谷

治不能食 穴豐隆 治饑不能食 穴中極

治嘔吐筋攣食不下不能食 穴維道

治三焦有水氣不能食 穴維道

治不欲食穀入不化 穴石門

治醉酒風熱發不能飲食嘔吐 穴率谷

治不能食腹中氣滿喫食無味 穴少商

治不能食 穴分水

治煩滿吐食腹脹不能食 穴胃脘

治胃中寒氣不能食胸脇滿身瘦不能食胸滿膈上逆

氣悶熱

穴

大腸腧灸二七壯小兒減之

治腹滿不能食胃氣不足反胃不能飲食腸癖臟腑
積聚及飲食不消寒熱 穴三里

治不能食胸中滿膈上逆氣悶熱

灸心腧二七壯小兒減之

不嗜食

治不嗜食

資生經

刺然谷多見血使人立饑

治食不化不嗜食俠臍急 穴天樞 厲兌 內庭

治身黃有微熱不嗜食 穴 中封

治飲食不化入腹還出熱中不嗜食苦吞而聞食嗅傷

飽身黃酸疼羸瘦 穴 章門

治上氣嘔吐肢滿不嗜食 穴 肺腧

治腹痛不嗜食 穴 胃腧 脾腧

治不嗜食 穴 地機 陰陵泉 水分 幽門

小腸腧

治大腑氣寒不嗜食 穴 下脘

治胃熱不嗜食 穴 下廉 懸鍾

治病饑不欲食

穴 三陰交

治腹滿中焦客熱不嗜食心腹脹滿胃熱不嗜食

穴 懸鍾

治不嗜食

穴 陽綱

治胃虛脹不嗜食

穴 水分

資生經云不嗜食有數端有三焦客熱不嗜食有胃
熱不嗜食有胃寒不嗜食有六腑氣寒不嗜食固隨
症用藥治之而針灸者亦當知補瀉之法可也史記
楊虛侯病甚衆醫皆以為蹙太倉公診脉以為脾根

在右脇下大如覆杯令人喘逆氣不能食病得之內
即以火齊粥且飲是日氣下即令更服九藥出入六
日病已然則人之不能食亦有患脾而得者槩曰胃有寒
熱不可也

扁鵲治心風腹脹滿食不消化四肢羸露不欲食

穴 灸心膻 肝膻

治心痛不嗜食 穴 曲泉

治心痛不嗜食通身浮腫男子如蠱女子如妊娠五指

端盡痛腹不得覆地宜灸針千金云忽忽喜忘身體腰脊如解大便難小便不利足中清至膝咽中痛不可納食痞不能言衄不止 穴 涌泉

治食多身瘦洩痢體重四肢不收腹痛不嗜食

穴 脾腧

治胃寒腹脹不嗜食羸瘦 穴 胃腧

食氣

治食氣惡聞食臭 穴 三里

治食氣 穴 大杼

治喫食無味 穴 百會 少商

治身重不得食食無味心下虛滿時時欲下喜卧

穴 針胃脘

大倉

又服建中湯
及平胃丸良

食多


治食飲多身瘦 穴 脾腧

治食多身瘦 穴 腎腧

治胃中寒脹食多身瘦 穴 胃腧 腎腧

治食多身瘦

穴脾腧 大腸腧



普濟方卷四百二十